

Uunga siunnersuut: Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut inatsisaat nr. xx, uu. qqqq 2015-imeersoq
(Inatsisartunut ilaasortat il.il. sulinnigiffeqarallarsinnaanerannut il.il. malittarisassanik Inatsisartut aalajangersaanerat)

§ 1

Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaanni nr. 22-mi 18. december 2003-meersumi, kingullermik inatsisartut inatsisaatigut nr. 2, 15. april 2011-meersukkut allanngortinneqartumi, makku allannguutigigitinneqassapput:

1. § 2, imm. 2-5 ima oqaasertaqassapput:

”Imm. 2. Inatsisartunit sulinnigiffeqarallartarnermut najuutinngikkallartarnermullu akuersisarnermut malittarisassanik Inatsisartut aalajangersaassapput.

Imm. 3. Aningaasarsiaqaataasumik sulinnigiffeqarallarsinnaaneq aatsaat akuersissutigineqarsinnaavoq Inatsisartunut ilaasortaq pissutissaqavilluni najuussinnaangippat imaluunniit malittarisassat imm. 2 malillugu aalajangersarneqartut tassungalu assersuunneqarsinnaasut malillugit.

Imm. 4. Inatsisartunut ilaasortaq pisuni immikkorluinnaq ittuni aningaasarsiaqaataaangitsumik sulinnigiffeqarnissamut akuerineqarpat, ilaasortaq aningaasarsiaqartitaassanngilaq aningaasartuutinulluunniit tapiissutinik pisartagaqassanani, taamatullu aamma sulinnigiffeqarallarnerup nalaani soraarnerussutisiassanut ilaasortaajunnaarneruutitnulluunniit katersaqarsinnaanani. Aammattaaq sulinnigiffeqarallarnissamut akuersissuteqarnissamut sinniisussamik aggersaanermi aningaasartuutinik Inatsisartunut ilaasortap akiliuteqarnissaa piumasaqaatigineqarsinnaavoq.

Imm. 5. Inatsisartunut ilaasortaq Naalackersuisunut ilaasortatut atuuffeqarniarluni sulinnigiffeqarallarnissamut akuerineqartoq, sulinnigiffeqarallarnerup nalaani ilaasortaajunnaarneruutissanik katersaqarsinnaanngilaq.”

2. § 4-mi imm. 4-p kingornanut immikkoortutut nutaatut ikkunneqassaaq:

”Imm. 5. Qanigisamik toqusoqartillugu pinartumilluunniit napparsimasoqartillugu malittarisassat Namminersorlutik Oqartussani tjenestemandinut qaqugukkulluunniit atuuttut malillugit akiliunneqarluni angalasoqarsinnaavoq.”

3. § 6 ima oqaasertaqassaaq:

”§ 6. Inatsisartut siulittaasuut, Naalackersuisut siulittaasuut Naalackersuisunullu ilaasortat aningaasarsiat § 1, imm. 1-imi taaneqartut saniatigut akissaatit inissisimaffiat 38 malillugu

anigaasarsianik tapisianik tamanut atuuttunik ilasanik ukiumut anigaasarsiaqartinneqassapput. Anigaasarsiat naatsorsorneqassapput tjenestemandit akissarsiaasa allallu iluarsiivigineqartarnerat pillugu ASG-mut isumaqatigiissut qaqugukkulluunniit atuuttoq aallaavigalugu.

Imm. 2. Inatsisartut siulittaasuannut Naalackersuisullu siulittaasuannut kr. 120.930-nik immikkut tapisiaqartitsisoqassaaq.

Imm. 3. Naalackersuisunut ilaasortanut Inatsisartunut ilaasortaangitsunut Inatsisartunut ilaasortat anigaasarsiaasa § 1, imm. 1-imi taaneqartut annertoqataannik tapisiaqartitsisoqassaaq.

Imm. 4. Inatsisartut siulittaasuat, Naalackersuisut siulittaasuat Naalackersuisunullu ilaasortat qaammatip qinigaaffiup aallaqqaataanit qaammatip taamatut atuukkunnaarfiup naanissaata tungaanut anigaasarsiaqartinneqassapput. Anigaasarsiat qaammammum siumoortumik tunniunneqassapput. Imm. 1 - 3-mi taaneqartut anigaasarsiat tapisiallu iluarsiivigineqartarnerisa ASG-mi isumaqatigiinniuteqartarfimmi ineriartorneq malittaraat.

Imm. 5. Inatsisartut siulittaasuat Naalackersuisullu siulittaasuat ineqartinneqassapput. Siulittaasut inigisap attartorneranut akiliisassangillat, ukiumulli attartornerup kr. 48.000 kr-inik nalilerneqarnera tunngavigalugu akileraartinneqassallutik. Namminersorlutik Oqartussat inissianik ingerlatsinermut anigaasartuutit akilertassavaat. Inissianut atatillugu ingerlatsinermut anigaasartuutit isertitat akileraaruteqaataasussat naatsorsorneqarneranni ilaatinneqartassangillat.

Imm. 6. Naalackersuisunut ilaasortanut inissamik atugassiisoqassaaq. Ilaasortat Namminersorlutik Oqartussat atorfimmut atasumik pinngitsoorani inigisassatut inigittagaanni ineqarnermut akiliutinik naatsorsuisarnermi maleruagassat qaqugukkulluunniit atuuttut 60%-iinik ineqarnermut akiliuteqartassapput.

Imm. 7. Procentip imm. 6-imi taaneqartup aamma sulisorisanut inissiamut ineqarnermut akiliutip tamakkiisup assigiinngissutaat inuit pineqartut isertitaasa akileraaruteqaataasussat naatsorsorneqarneranni ilaatinneqassangillat.

Imm. 8. Inigisat imm. 5 aamma 6 malillugit atugassiissutigineqartut atuuffiup naanerani qimanneqassapput. Inissiat pineqartut nutserfigineqarnerinut qimanneqarnerinillu atatillugu anigaasartuutit Namminersorlutik Oqartussanit matussuserneqartassapput.

Imm. 9. Piffissami ilaasortaajunnaarnerisuteqarfimmi utaqqiisaasumik ineqartitsisoqassaaq. Inissianut Namminersorerullutik Oqartussat attartortittagaannut ineqarnermut akiliutit naatsorsorneqartarnerinut maleruagassat qaqugukkulluunniit atuuttut naapertorlugit ineqarnermut akiliuteqartoqartassaaq. Piffissaq ilaasortaajunnaarnerisuteqarfik naappat inigisaq qimanneqassaaq.

Imm. 10. Napparsimaneq aamma qanigisap toquneranut napparsimarulunneranulluunniit atatillugu najuutinnginneq Naalackersuisut Siulittaasuannut Naalackersuisunullu ilaasortanut pissutissaqavilluni peqataanginnertut isigineqassaaq. Najuutinnginnermi Namminersorlutik Oqartussani kommuninilu tjenestemandinut malittarisassassat qaqugukkulluunniit atuuttut malillugit akiliunneqarluni angalasoqarsinnaatitaavoq.

Imm. 11. Naartunermut, erninermut meeravissiarthaarnermullu atatillugu sulinnigiffeqarneq

Naalakkersuisut Siulittaasuannut Naalakkersuisunullu ilaasortanut pissutissaqavilluni peqataanginnertut najuutinnginnertut isigineqassaaq.”

§ 2

Inatsisartut inatsisaat una ulloq 1. juli 2015 atuutilerpoq.

Namminersorlutik Oqartussat, ulloq uu. qqqq 2015

Kim Kielsen